

重念臣等凡籠濁質下土行屍濫叨祭酒之名莫稱持經之任言辭庸瑣儀範麤疎戰戰兢兢懼難逃於斧鉞魏魏蕩蕩諒不責其草茅監此微忱弘施巨澤小善必錄鼓化筆以覃恩大德曰生幹洪樞而錫佑今則香銷寶鼎燈謝銀缸淺淺蝸廬難久淹於仙仗皇皇龍馭亦將返於玄都攀戀无由喜懼交切傾光廻駕肅瞻天上之麒麟卧轍攀轅空聽雲中之鷄犬所願罪銷臣等福集齋官省其蒙瀆之愆錫以泰來之祉博也厚也高也明也莫盡贊揚之私庄之直之輔之翼之永賴幃幃之賜無任惶懼奉送高真

修齋事畢

雲輿已返

存神燒香

香官使者左右龍虎君侍香諸靈官當令臣設醮之所自然生金液丹碧之英百靈象真交會在此香火鑪前當願臣等學道得道求仙得仙齊官蒙福合室沾恩十方仙童玉女接待蘭筵向來所啓之誠速達徑御

无上三天七皇上帝伏魔洞微天尊衆真御前

解壇頌

伏魔經壇謝恩醮儀

正一天師清微弟子 洪百堅 製作

道教學術資訊網站

二經同卷

北帝說豁落七元經

七元真訣語驅疫秘經

群一

北帝說豁落七元經

是時元真登紫金堂鳳樓閣說三元品目拔度群生令知報應是時三清凝炁日月朗明三光振廟靈禽鼓吹天真並會時有北方九天大真人乘星步斗單錦雲衣一時詣座願為衆生說延生保命之法演乎中國祛魔滅精消災度難援濟困篤普得安靜願帝普宣告及天下邪魔令知罪源盡生善念不害於衆生日有所益

天尊告白三界之上北帝大魔王下治在北海天地北方羅鄧絕頂之山山高二千六百里周旋三萬里內外皆七寶堂室生七寶宮亦盛都也皆主知萬民生死之籍天下鬼神莫不由也

北帝言我之極位統三十二天之總司綰諸

天之簿籍天帝皆來稽首天下萬神皆來朝謁萬鬼千神悉皆震伏令以此六天宮名號相示為六天大魔王宮主知萬鬼之師執生人魂魄閉繫重權為陰神所繫名係鬼官延累生人子孫作諸考訟病衰連年禍厄侵害若知吾六宮名者可以晨夕誦之惡鬼不敢近妖邪伏滅禍害不能侵魂精澄正神炁常安萬靈震怖矣

北帝告七真曰我師昔學道修齋立功救人隨機濟物功德圓備勤苦香燈彌劫歷年行手道化拯拔群生今知報應得離魔域俱入正真之道修佩靈文祈醮真官迴籌益算解厄延年除災却障消諸不祥然燈行道誦念真文神咒或一七二七日申奏章表醫治之師專心絕念存思在法我當遣八部禁兵與五方天帝兵馬二十八宿兵馬五湖七澤兵馬億億萬騎排三甲之仗乘三殺之炁下降道場隨所擁護掃除妖魅斷截邪精救濟生人得出鬼患師獲冲天之機慎勿輕犯考致七世名係鬼官為輕法之罪慢師不朝得致

靈官各還本職為慢師之罪不遵道科之愆矣

七真曰欲修此法當於家建立一精舍方圓一丈開四門當寫本帝真形圖於靜室之中立燈九燈蓋亦七蓋常燃令光明日即息之夜燭室中立一香沙壇二大四寸中二香爐一口靜水五碗綯一口勿令穢觸淨室之前建七元壇廣一丈二尺高三尺三層醮祭常令七天大魔王衛護非同志勿窺靈壇矣

七真曰天地疑精之炁化之七炁列位七宿九炁為九曜五炁作五星三炁成三元八炁立八靈降真之炁布列真王之炁以備於星辰群生之類莫不由也皆主知生死之籍後學道士專精一法救拔凡迷得出魔俗感發善心可列符籙隨病所治事有大小攝伏魔精保安魂爽帶佩絢素出入常隨身萬靈傳迎所在捧送列七元之王炁乘九元之精素佩者行來天下大師入其病家萬鬼自怖邪精消亡潛蹤匿跡威震无邊福濟生靈超拔玄祖先魂也

七真曰若有人能於來世中值遇此法可移動星斗乘三五之炁可以挑星撥斗飛步七元登網駕紀攝伏惡魔助國扶難覆護生民可為消災散禍滅諸恠惡依法行用勿犯冥科當以法信履民之物一一散施貧窮憐愍困厄方便救拔當依玄科冥助道力陰兵共治無不差矣

七真曰夫末學道士欲為人治病制伏妖魅行我妙法者科令嚴峻難可奉焉但依七元列位然燈行道拜奏未表上達天真當先詣天地水三官為主生死要司之籍又請三官九府百二十曹知籍君解形却禍先為解先亡拷對又解病人冤對後乃治之先然燈七盞用左麻米繩連星網用酒七盞白脯七片香五爐淨水五碗又外一壓五土真官於偏慶當令侍衛勿為邪穢所觸又燈中施符一道依次朱書致油中降天真矣

七真曰大道慈恩惠生民故設延生之法開度未遇淺學者令知罪福若國府有難兵戈聞亂天下不安但於國福德之方宮苑之

內鎮立北斗七元壇場燃燈行道申奏章表鎮壁其國轉經念咒存思吐納三時行道轉念真詮當請鎮國天龍五帝兵馬三洞天官千乘萬騎羅列國界殄滅強兵自然歸伏八方寧靜國受太平君臣用道陰德相扶當建此帝神咒大齋三日兩宵五時行道拜奏章表上謝天威下益五土將以和天靖地保國寧家安鎮社稷一切真靈皆獲道福也

七真曰下元生民若有疾病彌月於牀遍身痛苦魂被水官所考地官奏罪於天官病加困篤莫能救療但請三洞真師來降宅內建立道場七日七夜一日三時行道轉念神咒驅除災疫我當遣飛天猛獸威神擁護生民三官除罪逐上玄都黑簿除籍書生名於左官得恩之後醮謝三官

七真曰下元生民為強精鬼魅所惱病患連年不差者當請三洞道師建立靜室燃燈七盞七日當下五星神符鎮五方朱書桃板廣三寸長一尺七寸青竹一文七尺簣之即燃燈行道誦咒行諸符錄鎮壓佩帶當請五獄

真神四瀆靈將長加守護鬼魅永除生民得差得恩之後醮謝五獄四瀆靈官

七真曰下元生民新建精舍土氣侵害官災拘繫禍害併生可請三洞真師來入宅中掃蕩一室北斗七元之位然燈行道拜上解六官章表朱書黃絹奏五帝并謝五星當得司命除籍地官恕愆疾病消除官私殄滅得恩之後醮謝五帝之神十二月將七宿真官當書七寶神符以梓木板長二尺四寸懸宅四維以斗口圍宅隨建所施科令巖峻為封宅之法冥禁不輕未學道士慎勿犯此玄科禍沒九祖長役鬼官之中矣




七真曰吾居七元官位之北極皆有華蓋相隨帝居於中其星皆生七寶光燦爛號為太微北極帝君常月初三二十七日落下人間受人之醮察人之善惡修學功過年命長短此夜可於中庭立机筵置列錢馬九分精膳妙供酒脯并香獻上求乞度脫災厄延命益算可求法術救濟萬民求願治邪考鬼滅精之法當此夜欲即時先存華蓋九星在

頭在北斗右北斗上北斗下北斗三台覆其中於臥室東面存二十八宿真官如嬰兒之狀著錦裙紫紗帔執青簡口吐玉炁入我口中甘為真氣而滿身中得此之道後乃為降靈之師可為世之明師萬鬼自怖行來出入伏御山靈惡獸山精野魅悉皆殄滅直經寶祕四萬劫方傳一人若有真人傳法可用白素四十尺金錢質信米麵香油祭醮之具可傳一人如不得至人可書一本投名山大澤之中題云函諱可得延齡地官所舉名上金簡刻字留音萬神侍衛立見真道矣

七真曰夫欲修學此道精勤苦節至在一法不恡世財陰施道德依科醮祭求萬事皆應非但鬼神之患慎勿輕泄行屍之人禍沒九玄冥禁不輕符非不周細矣

七真曰夫欲治病救人考鬼之法先存本師次存三元大將軍領兵九億萬騎三師兵衆有八萬人次存北方大帝領兵五億萬衆皆黑衣降入道場訖次存七元真官皆戴七寶之冠著錦華之衣執七寶神符來降道場即

上燈著符於燈盞中又書符兩道籤安道門  
 兩邊明日召靈降真皆是驅馳星斗周旋勿  
 外此元精真炁結之自然皆致太玄北門鳳  
 閣之上名曰陰生廣靈之符七元降真名長  
 生符神出手玄宮北海崖極玄天洞陰朝單  
 之國五龍之臺南軒不傳下仙得之者皆為  
 五嶽真人尅遊三界白日登晨  
 第一元精真人素語紫童小有天王為之王  
 訣靈音三千年一遇



此七道符書了啓請七真降位後便下符開  
 炁從一至七不得雜類穢觸人見之矣

此符作道場書置盆中召靈降神辟除萬穢

北帝說豁落七元經